



Broj: 04-40-1-174/25
Sarajevo, 24.06.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 23.06.2025. do 08:30 sati 24.06.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 14 manjih intervencija: tri na gašenju smeća u kontejneru, jednu na gašenju tende na kiosku, jednu na gašenju automobila, jednu na gašenju manjeg dijela krova na privatnoj kući i osam obezbjeđenja na Međunarodnom aerodromu Sarajevo.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 23.06.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

- Uočene su geološke promjene, uključujući formiranje pukotina usljed atmosferskih uticaja i pucanja tla (na dijelu „Curine njive ispod igrališta“ – dio šumskog zemljišta).
- U skladu sa Izvještajem o radu Interinstitucionalne - radne grupe u procjeni stanja na lokalitetima klizište Curine njive i Bistrički potok sa prijedlogom intervencije i trajnih mjera od 15.10.2024.godine, izvršeno je izvođenje drenažnih kanala i kontrolisana odvodnja vode iz tijela klizišta do najbližeg recipijenta. Usljed atmosferskih uticaja prisutna je erozija dijela zemljišta.
- Trenutno stanje na lokalitetu klizišta Curine njive ostaje nepromijenjeno u odnosu na prethodne dane. Terenska opservacija pokazuje da nema pojave novih pukotina niti vidljivih znakova dodatne aktivacije klizišta. Međutim, u donjem dijelu terena, ispod takozvanog igrališta, i dalje je prisutna izražena vlaga u tlu, što ukazuje na postojanje podzemnih voda ili zadržavanje padavina u dubljim slojevima zemljišta. U istom dijelu primijećeno je blago osipanje zemljanog materijala, što može ukazivati na spor i kontinuiran proces erozije. Također, uočen je dotok vode iz pravca podnožja deponije Knjeginjac, koji se usmjerava u postojeći drenažni kanal. Prisustvo te vode potencijalno

doprinosi zasićenju tla vlagom, što može dugoročno uticati na stabilnost terena i dinamiku postojećeg klizišta.

- Ocjena rizika: Lokalitet je ocijenjen kao uslovno kritičan zbog geoloških procesa te zahtijeva kontinuiran nadzor.

2. Knjeginjac (Opština Istočni Stari Grad):

- Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i uticaj atmosferskih faktora. U donjem dijelu deponije i dalje je vidljivo prisustvo vode, što upućuje na nedovoljnu kontrolu površinskih i podzemnih voda.
- U odnosu na prethodni dan stanje isto bez vizuelnih promjena. Na lokalitetu deponije Knjeginjac nije zabilježeno značajnije pogoršanje stanja u odnosu na prethodni period. Površinski slojevi u donjem dijelu deponije i dalje su zasićeni vodom, a evidentne su pojave blatnjavog tla i većih plavnih površina koje su prisutne kontinuirano, što ukazuje na zadržavanje i akumulaciju površinskih kao i podzemnih voda. Ovakvo stanje predstavlja rizik od infiltracije vode u okolno zemljište, što može uticati na stabilnost nižih terena, naročito u zoni Curine njive. Dodatno, nagnuta i oborena stabla iznad rasadnika svjedoče o potencijalnom širenju klizišta ili slabljenju tla na tom dijelu.
- U skladu sa Izvještajem o radu Interinstitucionalne - radne grupe u procjeni stanja na lokalitetima klizište Curine njive i Bistrički potok sa prijedlogom intervencije i trajnih mjera od 15.10.2024.godine na predmetnom lokalitetu su izvedeni radovi na drenažnim kanalima, čime se obezbijedila efikasna odvodnja površinskih voda.
- Na donjem dijelu deponijskog materijala, stručni tim Instituta za geotehniku i geološko inženjerstvo sa Građevinskog fakulteta u Sarajevu proveo je geotehnička istraživanja tla, uključujući izradu geoloških bušotina i prikupio podatke potrebne za procjenu svojstava tla i izradio projekat sanacije aktivnog klizišta.
- Ocjena rizika: Slijeganje deponijskog materijala i pojačana erozija usljed atmosferskih uticaja.

3. Bistrički potok (Općina Stari Grad Sarajevo – Boguševac i Opština Istočni Stari Grad):

- Korito potoka i dalje je djelimično zatrpano zemljano-kamenim materijalom i obrušenim stablima.
- Nisu zabilježene nove degradacije, niti su poduzete aktivnosti na uklanjanje postojećih prepreka.
- Na lokalitetu Bistričkog potoka, na dionici kod Boguševca, u blizini mosta, nije uočen dotok vode iz pravca planine Trebević, što može ukazivati na zakrčenje ili začepljenje vodotoka na tom dijelu. Vizuelnim pregledom utvrđeno je da su propusti za vodu, smješteni ispod mosta, djelimično zatrpani i prekriveni vegetacijom, sedimentom i otpadnim materijalom. Kako bi se obezbijedio nesmetan protok vode i spriječile eventualne poplave ili lokalna zadržavanja vode, neophodno je hitno izvršiti čišćenje i uklanjanje nakupljenog materijala u zoni mosta. Također, preporučuje se da se u narednom periodu planira redovno održavanje ovog dijela vodotoka, s obzirom na njegov značaj u sakupljanju i odvođenju oborinskih voda sa šireg područja.
- Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale usljed promijenjenog toka vode.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br.08-40-1128-2/24 od 01.11.2024.godine i br.08-40-1128-2.1/24 od 20.11.2024.godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma.

U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

JU Zavod za javno zdravstvo Kantona Sarajevo: Broj oboljelih u Kantonu Sarajevo od Leptospiroze, na dan 23.06.2025 godine, prikazan je sljedećoj tabeli:

Ukupan broj oboljelih od Leptospiroze u Kantonu Sarajevo - Stanje na dan: 23.06.2025. godine	Broj prijavljenih slučajeva Leptospiroza po općinama					
	Novi Grad	Centar	Ilidža	Stari Grad	Novo Sarajevo	Ilijaš
95	65	9	9	5	6	1

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 19°C, vlažnost zraka 55%, barometarski pritisak 945,4 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

**PO OVLAŠTENJU DIREKTORA
ŠEF CENTRA
Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a